


МОЛЕБЕНЫ И БЛАГАЛНА ПЪСНЯ



Изданіе
00. Редемптористовъ
въ Михаловцахъ.

Книгопечатня „Св. Николая“
въ Пряшевѣ. — 1940.



Молебень къ Святѣйшему Сердцу

Начало обычное.

Тропарь гл. 4.

Днесь вселенная радуется,
ибо на престолѣ Сердце Спаси-
теля, въ пламени огненнѣмъ
зрится, всѣхъ призывающи къ
Божественному пристанищу,
идѣже болѣзни душъ и тѣлесь
исцѣляются, сего ради призови
и мене, Спасе, презирая моя
согрѣшенія.

Величаніе.

Величаемъ ты, животдавче Христе, яко сподобилъ еси насъ быти причастниками, щедротъ Святѣйшаго Сердца твоего.

Стихъ 1. Что воздамъ Господеви о всѣхъ, яже воздаде мнѣ.

Стихъ 2. На него упова сердце мое, и поможетъ ми.

Стихъ 3. Сердце чисто созижди во мнѣ Воже, и духъ правъ обнови въ утробѣ моей.

Слава: И нынѣ:

Іерей возглашаетъ:

Воньмимъ, † миръ всѣмъ, премудрость воньмимъ.

Ликъ: Воскликните Господеви вся земля, пойте же имени Его, дадите славу хвалѣ Его.

Прочее якъ передъ Евангеліемъ.

Евангеліе. Мафр. зач. 43.

Вонмимъ! Рече Господь своимъ ученикомъ: вся мнѣ предана суть Отцемъ моимъ: и никтоже знаетъ Сына, токмо Отецъ: ни Отца кто знаетъ, токмо Сынъ, и емуже еще волитъ Сынъ окрыти. Приидите ко мнѣ вси труждающіися и обремененніи, и азъ упокою вы. Возмите иго мое на себе, и научитесь отъ мене, яко кротокъ есмъ и смиренъ сердцемъ, и обрящете покой душамъ вашимъ. Иго бо мое благо и бремя мое легко есть. Слава Тебе Боже...

Ликъ за каждымъ стихомъ:

**О святѣйше Сердце Іисуса,
помилуй насъ.**

2. Сердце Іисуса, красото пресвѣтлая, помилуй и спаси тебе величающихъ.

3. Сердце Іисуса, сило непобѣдимая, помилуй и спаси тебе величающихъ.

4. Сердце Іисуса, любви неизреченная, помилуй и спаси тебе величающихъ.

5. Сердце Іисуса, веселіе сердца моего, помилуй и спаси тебе величающихъ.

6. Сердце Іисуса, труждающихся помощи, помилуй и спаси тебе величающихъ.

7. Сердце Іисуса, дѣвственныхъ цѣломудріе, помилуй и спаси тебе величающихъ.

8. Сердце Іисуса, очисти умъ мой отъ помысловъ суетныхъ, помилуй и спаси тебе величающихъ.

9. Сердце Іисуса, сохрани сердце мое отъ похотей лукавых, помилуй и спаси тебе величающихъ.

10. Сердце Іисуса, покрове житія моего, помилуй и спаси тебе величающихъ.

11. Сердце Іисуса, надеждо въ смерти моей, помилуй и спаси тебе величающихъ.

12. Сердце Іисуса, утѣшеніе мое на судѣ твоємъ, помилуй и спаси тебе величающихъ.

Съ умоленіемъ приклоньше колѣна, миромъ Господа Бога молимъ.

Ликъ : Господи помилуй. 3 р.
Потомъ священникъ читаетъ голосно
молитву:

Господи Іисусе Христе, Боже

нашъ, изволь, да сердца наша стануть престоломъ любви Твоея, уста наша да повѣдаютъ всещедрую милость твою, очеса наша да непрестанно взырають въ язву Святѣйшаго Сердца Твоего, разумъ нашъ да размышляетъ неизслѣдимая совершенства Твоя, память наша да сохраняетъ драгія воспоминанія милосердія Твоего. Всяческая въ насъ, о Господи Боже наш, да исповѣдаютъ неисчетную любовь Святѣйшаго Сердца Твоего. Яко благословися имя Твое, Отца и Сына и святаго Духа, нынѣ и присно и во вѣки вѣковъ. Аминь.

Посемъ чететь Іерей Ектенію.

Помилуй насъ, Боже, по ве-

лицѣй милости твоей, молимтисѧ
услыши и помилуй.

Ликъ: Господи помилуй 3.

Еще молимся о Боголюбивомъ Епископѣ нашемъ (Имкѣ),
и о отцѣхъ нашихъ духовныхъ,
и всей во Христѣ братіи нашей.

Еще молимся тебѣ Господу
Богу нашему, еже призрѣти на
стенанія, слезы и вопль гонимыхъ
вѣры каѳолическія ради
и силою благодати твоея избавити
и помиловати ихъ.

Еще молимся еже услышатисѧ
гласу молейія нашего и
молитвѣ и помиловати рабовъ
твоихъ приходящихъ въ храмъ
сей святыи, да благопріятна
будетъ молитва ихъ предъ пре-

столомъ владычествія твоего,
Господи, услыши и помилуй.

Еще молимся о еже умно-
житься числу почитателей Свя-
тѣйшаго Сердца твоего и благо-
словити почитающихъ Е, Госпо-
ди милостивно услыши и по-
милуй.

О еже вся крамолы и раз-
доры и нестроенія (раздиранія)
церковная утолити, и отступль-
шихъ отъ католическія вѣры
къ познанію истины обратити,
вѣрныхъ же въ правовѣріи
утвердити и укрѣпити, и не-
поколебимыхъ соблюсти, Го-
споду помолимся.

Еще молимся о предстоящихъ
людехъ, ожидающихъ отъ Тебе

великія и богатые милости, за
творящихъ намъ милостыню и
за вся православныя христіаны.

Милостію и щедротами и
человѣколюбіемъ едиnorodнаго
Сына Твоего, съ нимже благо-
словенъ еси съ пресвятымъ,
благимъ и животворящимъ Тво-
имъ Духомъ нынѣ и присно и
вѣки вѣковъ. Аминь.

Іерей : Премудрость.

Ликъ : Честнѣйшую Херу-
вимъ.

Іерей : Слава Тебѣ, Христе
Боже, упованіе наше, слава Тебѣ.

Ликъ : Слава : и нынѣ : Го-
споди помилуй 3. Благослови.

Іерей : Отъ Сердца всю благо-
дать источивый, Христось,

истинный Богъ нашъ, молит-
вами Пречистыя Своея Матере,
Преподобныхъ и Богоносныхъ
Отецъ нашихъ и всѣхъ Святыхъ
помилуетъ и спасетъ насъ яко
благъ и человѣколюбецъ.

Ликъ : Аминь.

Молебенъ къ Пречистой Дѣвѣ Маріи.

Начало обычное.

Тропарь, гласъ 4.

Къ Богородицѣ прилѣжно
нынѣ притецѣмъ гвѣшніи и сми-
ренніи, и припадѣмъ въ покаяніи
зовуще изъ глубины душевныя:
Владычице, помози милосерд-
ствовавши на ны : потщися, яко
изгибаемъ отъ множества грѣ-
ховъ. Не отврати рабъ твоихъ

тшихъ, тебе бо и едину заступницу имамы.

Слава: І нынѣ:

Не умолчимъ никогдаже, Богородице, силы Твоея глаголати мы недостойніи; аще бо не быты предстала молящися за ны, кто бы насъ избавилъ отъ толикихъ бѣдъ? ктоже бы насъ сохранилъ до нынѣ свободны? Не отступимъ отъ тебе, Владычице: твоя бо рабы спасаеши присно отъ всякія бѣды, едина благодословенная.

Іерей: Воньмимъ, миръ всѣмъ, премудрость воньмимъ.

Ликъ: Помяну имя имя твое въ всякомъ родѣ и родѣ.

Прочее якъ передъ Евангеліемъ.

Евангеліе : Луки зач. 4.

Во дни оны, воставши Маріямъ, иде во горняя со тщаніемъ въ градъ Юдовъ. И вниде въ домъ Захаріинъ и цѣлова Елисаветъ. И бысть яко услыша Елисаветъ цѣлованіе Маріино, възграся младенецъ въ чревѣ ея и исполнися Духа свята Елисаветъ. И возопи гласомъ велиимъ и рече : благословенна ты въ женахъ и благословенъ плодъ чрева твоего. И откуда мнѣ сіе, да прійдетъ Мати Господа моего ко мнѣ ? Се бо, яко бысть гласъ цѣлованія твоего въ ушію моею, възграся младенецъ радощами въ чревѣ моемъ. И блажена вѣровавшая, якъ будетъ совершеніе глаголаннѣмъ ей отъ Господа.

И рече Маріямъ: Величитъ душа
моя Господа, и возрадовася духъ
мой о Бозѣ Спасѣ моемъ. Яко
призрѣ на смиреніе рабы своея,
се бо отъ нынѣ ублажатъ мя
 вси роды. Яко сотвори мнѣ ве-
личіе Сильный, и свято имя его.
Пребысть же Маріямъ съ нею
яко три мѣсяцы, и возвратися
въ домъ свой.

Послѣ Евангелія:

1. Пресвятая Дѣво Маріе
всемилостивая, радуйся и спаси
на Тя уповающихъ.

Ликъ за каждымъ стихомъ поетъ:

**О Маріе Мати Божья,
моли Бога о насъ!**

2. Мати Христа Бога нашего,

радуйся и спаси на Тя упова-
ющихъ.

3. Мати Предвѣчныя любви,
радуйся и спаси на Тя упова-
ющихъ.

4. Мати Божія благодати,
радуйся и спаси на Тя упова-
ющихъ.

5. Дѣво непорочно зачатая,
радуйся и спаси на Тя упова-
ющихъ.

6. Дѣво Херувимовъ честнѣй-
шая, радуйся и спаси на Тя
уповающихъ.

7. Дѣво Серафимовъ слав-
нѣйшая, радуйся и спаси на
Тя уповающихъ.

8. Маріе, голубице, несквер-

ная, радуйся и спаси на Тя уповающихъ.

9. Маріе, благовонный цвѣте нетлѣнія, радуйся и спаси на Тя уповающихъ.

10. Маріе, добрая дѣвамъ младопитательнице, радуйся и спаси на Тя уповающихъ.

11. Маріе, покрове міру ширшій облака, радуйся и спаси на Тя уповающихъ.

12. Маріе, праведнаго Судіи умоленіе, радуйся и спаси на Тя уповающихъ.

13. Маріе, плачущихъ утѣшеніе, радуйся и спаси на Тя уповающихъ.

14. Маріе, грѣшниковъ при-

бѣжище, радуйся и спаси на Тя уповающихъ.

15. Маріе, Ходатаице, во Успеніи Твоемъ насъ не оставляющая, радуйся и спаси на Тя уповающихъ.

16. Маріе, едина чистая и благословенная, радуйся и спаси на Тя уповающихъ.

Потомъ люди спѣвають стихиры:

За всѣхъ молишися, Благая, прибѣгающихъ съ вѣрою въ державный твой покровъ, иного бо не имамы грѣшныи къ Богу въ бѣдахъ и скорбѣхъ присно избавленія, обремененни грѣхи многими, Мати Бога вышняго. Тѣмъ же ти припадаемъ: избави отъ всякаго обстоянія рабы твоя.

Стихъ: Помяну имя твое во всякомъ
родѣ и родѣ.

Всѣхъ скорбящихъ радость
и обидимыхъ заступница, и ал-
чущихъ питательница, стран-
ныхъ утѣшеніе, обуреваемыхъ
пристанище, больныхъ посѣще-
ніе, немощныхъ покровъ и за-
ступница, жезлъ старости, Мати
Бога вышняго, Ты еси Пречи-
стая; потщися, молимся, спасти-
ся рабомъ Твоимъ.

Стихъ: Слыши дщи и виждь и при-
клони ухо твое.

Радуйся пречистая Дѣво. Ра-
дуйся честный скиптре Царя
Христа. Радуйся прозябшая
гроздъ тайный. Радйся двери не-
бесная и неопалимая купино.
Радуйся всемѣрный свѣте. Ра-

дуйся вѣхъ радости. Радуйся
вѣрныхъ спасеніе. Радуйся за-
ступнице всѣхъ христіанъ и
прибѣжище, Владычице.

Слава: И нынѣ: Глас 8.

Радуйся вселенная похвало.
Радуйся храме Господень Ра-
дуйся горо пріосѣщенная. Радуй-
ся всѣхъ прибѣжище. Радуйся
свѣтилнице златый. Радуйся сла-
во православныхъ честная. Ра-
дуйся Маріе Мати Христа Бога.
Радуйся раю. Радуйся Божест-
венная трапезо. Радуйся сѣне.
Радуйся ручко всезлатая. Радуй-
ся всѣхъ упованіе.

Іерей: Съ умоленіемъ при-
клоньше колѣна, миромъ Го-
спода Бога молимъ.

Ликъ: Господи помилуй 3 р.

Молитва къ Пр. Богородицѣ.

Царице моя преблагая, надеждо моя, Богородице, пріятельнице сирымъ, страннымъ предстательнице, скорбящимъ радости, обидимымъ покровительнице, зриши мою бѣду, зриши мою скорбь: помози ми яко немощну, окорми ми яко странна, обиду мою вѣси, разрѣши ту, якоже волиши ибо не имамъ иныя помощи развѣ Тебе, иныя предстательницы, ни благія утѣшительницы токмо Тебе, о Богомати, яко да сохраниши мя и покрыеши во вѣки вѣковъ. Аминь.

Іерей читаетъ ектенію:

Помилуй насъ Бже, по вели-

цѣй милости твоей, молимтисѧ,
услыши и помилуй.

Люди: Господи помилуй 3. р.

Еще молимся о еже сохра-
нитися граду сему (веси сей) и
всякому граду, веси и странѣ,
отъ глада, губителства, труса,
потопа, града, огня, меча наше-
ствія иноплеменник, и между-
особныя брани: и о еже ми-
лостиву быти, благопримѣни-
тельному, благому и человѣко-
любивому Богу нашему, и от-
вратити весь гнѣвъ свой на ны
движащійся, и избавити насъ
належащаго праведнаго своего
прещенія и помиловати насъ.

Еще молимся о предстоящихъ
людехъ. . . .

Услыши ны, Боже Спасителю нашъ, упованіе всѣмъ концемъ земли и сущимъ на морѣ далече, и милостиве милостивъ буди намъ о грѣсѣхъ нашихъ и помилуй насъ: милостивъ бо и человеколюбецъ Богъ еси, и Тебѣ славу вовсылаемъ, Отцу и Сыну и святому Духу нынѣ и присно и во вѣки вѣковъ.

Ликъ: Аминь. — Отпустъ.

Молебень къ св. Іосифу.

Начало обычное.

Тропарь гласъ 6.

Весь соймъ Безплотныхъ и Святыхъ со удивленіемъ восхваляетъ на небеси величіе твое, небоявленне Обручниче; мы же на земли имуще тя толика за-

ступника на небеси, со дерзнове-
ніемъ прибѣгаемъ подъ твой
покровъ, благовѣйно зовуще:
спасай насъ отъ навѣтовъ лука-
ваго, верховный Покровителю
Церкве Христовы.

Слава: І нинѣ: Кондакъ гласъ 4.

Бѣжа иногда пустыми путь-
мы въ Египетъ, со пречистою
ти Обручницею и отрокомъ
Іусусомъ спаслъ иси его отъ меча
Иродова; и насъ гонимыхъ са-
таною, и скитающихся по пу-
стыни вѣка сего, спасай отъ
навѣтовъ его, преохраняя отъ
погибели вѣчныя.

В е л и ч а н і е.

Величаем Тя, всепѣтый Бого-
отче Іосифе, и Обручнице, пре-

чистыя Богоматере, и изряднѣ-
шій Покровителю Церкви Хри-
стовы.

Стихъ 1. Праведникъ яко фи-
нискъ процвѣтетъ и яко кедръ
иже въ Ливанѣ умножится.

Стихъ 2. Освѣтиша молнія
его вселенную.

Стихъ 3. Выдѣша всѣ людіе
славу его.

Стихъ 4. Постави его Госпо-
дина дому своему и князя всему
стажанію своему.

Стихъ 5. Славу и велелѣпіе,
возложиша на него.

Слава. И нынѣ:

Іерей: Воньмимъ, миръ всѣмъ,
премудрость воньмимъ.

Ликъ: Поетъ Прокимень гл. 4.

Возвеселится Праведникъ о
Господѣ и уповаеть на него.

Прочее якъ передъ Евангеліемъ.

Евангеліе: Маѳея зач. 4.

Отшедшимъ волхвомъ, се
Ангель Господень во снѣ яви-
ся Іосифу глаголя: „Воставъ
пойми отроча и мать его, и
бѣжи въ Египеть; и буди тамо
дондеже реку ти; хошетъ бо
Иродъ искати Отрочате, да по-
губить е.“ Онъ же воставъ, по-
ять Отроча и мать его нощію
и отиде въ Египеть, и бѣ тамо
до умертія Иродова: да сбудется
реченное отъ Господа проро-
комъ, глаголющимъ: отъ Египта
возвахъ Сына моего. Тогда
Иродъ видѣвъ, яко поруганъ

бысть отъ волхвовъ, разгнѣвася зѣло и пославъ изби вся дѣти сущія въ Вифлеемѣ и во всѣхъ предѣлѣхъ его, отъ двою лѣту и нижайже по времени, еже извѣстно испытана отъ волхвовъ. Тогда сбыться реченное Іереміемъ пророкомъ глаголющимъ: „гласъ въ Рамѣ слышанъ бысть, плачъ и рыданіе и вопль многъ: Рахиль плачущися чадъ своихъ, и не хотяше утѣшиться, яко не суть.“ Умершу же Ироду, се Ангель Господень во снѣ явился Іосифу въ Египтѣ, глаголя: „воставъ, пойми Отроча и Матерь его, и иди въ землю Исраилеву, изумроша бо ищущіи души Отрочате.“ Онъ же воставъ, поятъ Отроча и Матерь его, и

пріиде въ землю Израилеву. Слышавъ же, яко Архелай царствуетъ въ Іудеѣ вмѣсто Ирода отца своего, убояся тамо ити: вѣсть же пріемъ во снѣ, отъиде въ предѣлы Галилейскія. И пришедъ, вселися во градъ нарицаемъмъ Назаретъ, яко да сбудется реченное пророки: „яко Назорей наречется“.

Іерей: Паки и паки приклоньше колѣна, миромъ Господа Бога молимъ.

Ликъ: Господи помилуй 3.

М о л и т в а.

Къ тебѣ, блаженный Іосифе, въ скорбѣ нашей прибѣгаемъ и призываше помощи Пречистыя твоея Обручницы, такожде твое-

го заступництва съ упованіємъ умоляемъ: тоя ради любви, яже сопряже тя Пренепорочною Дѣвѣ Богородицѣ, и отеческаго ради раченія, имже Отроча Іисуса обнималъ еси, умильно молимъ тя, да призриши милостивно на на достояніе, еже Іисусъ Христосъ стяжа кровію и нуждамъ нашимъ твоею помощію способствуеши.

Защищай о прозорливѣйшій Хранителю Божественныя Родины, Іисусъ Христово исчадіе избранное: отврати отъ насъ возлюбленнѣйшій Отче, всяку язву заблужденій и развращеній; благосклонно предстани намъ съ небесъ, крѣпчайшій нашъ Поспѣшнице, въ томъ подвизѣ

съ властью тьмы, и якоже
иногда отроча Іисуса исторгнулъ
еси отъ крайности опасности
жизни, тако и нынѣ Церковь
святую Божію отъ вражнихъ
навѣтовъ и всякія противности
защищай: насъ же единокоего-
ждо всегдашнимъ твоимъ по-
кровительствомъ заступай, яко
да по твоему примѣру и твоею
помощію поддерживаемы, свято
жити, благовѣйно умерети и вѣч-
ное на небесѣхъ блаженство
наслѣдiti возможемъ. Аминь.

Ектенія.

Отпустъ.

Пѣснь благальна.

Святой Воже, святой крѣп-

кій, святой безсмертный поми-
луй насъ 3 р.

Отъ повѣтрія, глада, огня и
войны, избави насъ, Господи.

Отъ наглыя и несподѣванныя
смерти, сохрани насъ, Господи.

Мы грѣшній тебе Бога про-
симъ, помилуй насъ, Господи.

О Іисусе, о Іисусе, о Іисусе,
Сыне Бога вышняго, умилосер-
дися надъ нами.

О Маріе, о Маріе, о Маріе,
Дѣво и Мати Божая, заступися
за нами.

О св. Іосифе, покровителю
каѳолическія Церкви, моли Бо-
га о насъ грѣшныхъ.

О св. священномучениче Хрі-
стовъ Іосафате, моли Бога о
насъ грѣшныхъ.

О святыи (егоже есть храмъ)
моли Бога о насъ грѣшныхъ.

Спаси люди твоя Господи 2.

Спаси люди твоя Господи, и
благослови достояніе Твое 1.

И исправи я и вознеси я во
вѣки. Во вся дни благословимъ
имя Твое во вѣкъ и во вѣкъ
вѣка. Сподоби Господи, въ день
(вечеръ) сей, безъ грѣха сохра-
нитися намъ. Умилосердися
надъ нами, Господи, умо-
сердися надъ нами. Да будетъ
милосердіе твое, Господи, надъ
нами, якоже уповахомъ на Тя.
На Тя, Господи, уповахомъ, да
не постыдимся во вѣки. Аминь.

Ч. 2002|1940.

Съ одобреніемъ ~~мѣншевскимъ~~ ^{ОФ} издали
чисти.